



CONCELLO DE VIGO  
Secretaría de Goberno Local

**D<sup>a</sup>. PATRICIA RODRÍGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 21 de xullo de 2023**, adoptou o seguinte acordo:

**11.- EXPEDIENTE DE CONTRATACIÓN DO SERVIZO E SUBMINISTRO DA ILUMINACIÓN DECORATIVA DA CIDADE DE VIGO NA CAMPAÑA DO NADAL. EXPTE. 9274/106.**

Visto o informe xurídico de data 20/07/2023 e o informe de fiscalización do 21/07/2023, dáse conta do informe-proposta do 20/07/2023, asinado polo enxeñeiro municipal adscrito ao Servizo de Comercio, o concelleiro delegado da Área de Parques e Xardíns, Comercio, Participación Cidadá e Festas Especiais e o concelleiro de Orzamentos e Facenda, que di o seguinte:

**ANTECEDENTES**

1.- Mediante resolución de data 12/01/2023 o concelleiro delegado da Área de Parques e Xardíns, Comercio, Distritos e Festas Especiais acordou iniciar os trámites administrativos e técnicos para **contratar por procedemento aberto o contrato mixto de servizos e subministrados da iluminación decorativa de Vigo nas Campaña do Nadal 2023-2024, 2024-2025, 2025-2026 e 2026-2027.**

2.- No expediente tramitado ao efecto consta, entre outra, a seguinte documentación:

- **Informe xustificativo da necesidade e idoneidade** asinado polo xefe do Servizo de Comercio e polo concelleiro delegado da Área de Parques, Xardíns, Comercio, Distritos e Festas Especiais de data 12/01/2023.
- **Resolución de inicio de expediente de contratación** asinada polo concelleiro delegado da Área de Parques, Xardíns, Comercio, Distritos e Festas Especiais en data 12/01/2023.
- **Documentos económicos de retención de crédito** con operacións nº 202300023765 - RC- e 202300023766-RCFUT asinados pola Dirección Superior Contable e Orzamentación-Intervención con data 01/03/2023.
- **Prego de prescricións técnicas particulares** (artigo 116.3 LCSP) asinado polo enxeñeiro municipal en data 07/07/2023.
- **Declaración de neutralidade** dos redactores do prego de prescricións técnicas, de data 27/03/2023.
- **Memoria económica** asinada polo enxeñeiro municipal, polo xefe do Servizo de Comercio e polo concelleiro delegado da Área de Parques e Xardíns, Comercio, Distritos e Festas Especiais con data 15/05/2023.
- **Memoria xustificativa** do contrato asinada polo xefe de Servizo de Comercio e polo concelleiro delegado da Área de Parques e Xardíns, Comercio, Distritos e Festas Especiais de data 15/05/2023.
- **Informe da xefa do Servizo de Contratación** de data 21/04/2022, sobre a comprobación da incorporación ao expediente da documentación necesaria para a tramitación do contrato.
- **Prego de cláusulas administrativas particulares** para a contratación da subministración e a prestación do servizo polo procedemento aberto, asinado pola xefa do Servizo de Contratación, de data 16/05/2023.



Copia do documento - Concello de Vigo	Data impresión: 04/08/2023 09:48	Páxina 1 de 4
9274-106	CSV: AEA422-D8A7D5-2229C5-AF2686-TAJ5C3-FD	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

## NORMATIVA DE APLICACIÓN

- Lei 9/2017, de 8 de novembro, de contratos do sector público (LCSP).
- Real decreto 817/2009, do 8 de maio, polo que se desenvolve parcialmente a Lei 30/2007, do 30 de outubro, de contratos do sector público, no que non se opoña á Lei 9/2017.
- Regulamento xeral da Lei de contratos das administracións públicas aprobado por Real decreto 1098/2001, do 12 de outubro (no sucesivo, RXLCAP), no que non se opoña á Lei 9/2017.
- Lei 7/1985, de 2 de abril, reguladora das bases do réxime local (LBRL).
- Real decreto legislativo 781/1986, de 18 de abril, texto refundido das disposicións legais vixentes en materia de réxime local (TRRL).
- Lei 5/1997 de 22 de xullo de administración local de Galicia (LALGA).

## FUNDAMENTOS DE DEREITO

**Primeiro.-** O expediente de contratación, de acordo co disposto no art artigo 116.1 da LCSP iniciárase polo Órgano de Contratación motivando a necesidade do contrato nos termos previstos no artigo 28 da devandita lei. No Concello de Vigo, esta competencia está delegada por acordo da Xunta de goberno Local de 20 de xuño de 2019 nos concelleiros de Área. O concelleiro delegado da Área de Parques, Xardíns, Comercio, Distritos e Festas Especias mediante resolución de data 12/01/2023 autorizou o inicio da tramitación do presente expediente de contratación.

**Segundo.-** Dado o obxecto do contrato, tal e como se dispón no artigo 18 da LCSP, se tramita como un contrato mixto, de servizos e subministro. Así, tendendo ao volume das actuacións definidas anteriormente, debe considerarse que os servizos e o traballo do proceso decorativo, así como o servizo de instalación, mantemento e desmonte dos elementos luminosos instalados, ten unha incidencia aproximada no orzamento total do contrato dun **82 %** do custe, mentres que os procesos derivados da subministración en réxime de alugueiro dos diversos elementos luminosos estímase nun **18%** do custe total do contrato.

**Terceiro.-** O presente contrato está suxeito a regulación harmonizada toda vez que o seu valor estimado supera os 221.000 euros (artigo 22 da LCSP).

**Cuarto.-** O expediente refírese á totalidade do obxecto do contrato e, nel constan tanto o prego de cláusulas administrativas particulares como o de prescricións técnicas que rexeran o contrato tal e como se sinala no artigo 116 apartado 2 e 3 da LCSP.

**Quinto.-** No expediente xustifícase a necesidade e idoneidade do contrato de conformidade cos artigos 28 e 116.1 da LCSP.

**Sexto.-** Na memoria xustificativa, xustifícase a insuficiencia de medios (116.4.f LCSP), o prezo e a súa determinación (100 e seguintes LCSP), o valor estimado do contrato (116.4.d LCSP), os criterios de adxudicación e fórmulas de valoración (artigo 145 e 146 LCSP), os criterios de solvencia (116.4.c), as condicións especiais de execución (202.1), a clasificación dos licitadores (116 e 77 LCSP), o principio de estabilidade orzamentaria e sustentabilidade financeira (artigo 7.3 da Lei orgánica 2/2012, do 27 de abril).

O procedemento elixido para a contratación é o aberto e a forma de tramitación do expediente a ordinaria, conforme ao disposto no artigo 116 e 131.2 da LCSP, polo que non é necesaria a súa xustificación.

**Sétimo.-** De conformidade coa disposición adicional terceira, apartados 8 da LCSP e, a disposición adicional oitava, apartado e) da Lei 7/1985, do 2 de abril, reguladora das bases do réxime local (LRBRL), se require o informe preceptivo de Asesoría Xurídica do Concello de Vigo.



Copia do documento - Concello de Vigo	Data impresión: 04/08/2023 09:48	Páxina 2 de 4
9274-106	CSV: AEA422-D8A7D5-2229C5-AF2686-TAJ5C3-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

**Oitavo.-** Consta informe favorable da Asesoría Xurídica do Concello de Vigo de data 23/06/2023 no que indica que *"non se aprecia ningunha cláusula manifestamente contraria a dereito polo que poderá continuar a súa tramitación, sempre que conste a expresa conformidade dos diversos servizos técnicos ao prego de prescricións técnicas, e sen prexuízo e a reserva do que resulte do seu íntegro exame pola Intervención"*.

**Noveno.-** Atendendo á dilixencia da Asesoría Xurídica de data 24/05/2023 recabáronse os informes dos servizos de Transportes, Electromecánicos-Fomento, Seguridade e mobilidade, Limpeza, Patrimonio Histórico e Parques e Xardíns, incorporándose consecuencia dos mesmos no PPT as addendas requiridas polos distintos servizos afectados.

**Décimo.-** O artigo 116.3 e o apartado 3 da disposición adicional terceira da LCSP, dispoñen que ao expediente se incorporará o certificado de existencia de crédito ou documento que legalmente o substitúa. Este documento, xunto co informe da fiscalización previa, incorporárase pola Intervención Xeral ao procedemento con carácter previo a aprobación polo órgano de contratación.

**Décimo primeiro.-** A competencia para a resolución do presente expediente, previa fiscalización da Intervención Xeral, correspóndelle á Xunta de Goberno Local, na súa calidade de órgano de contratación, conforme ao previsto na disposición adicional segunda apartado 11 da Lei de Contratos do Sector Público. A resolución deberá ser motivada e aprobará o expediente de contratación, dispoñendo a apertura do procedemento de adxudicación (artigo 117 da LCSP) e implicará a aprobación do gasto.

Á vista do exposto, e previo informe da Intervención Xeral, propónse á Xunta de Goberno Local como órgano de contratación, no uso das facultades que lle confire a lexislación vixente, a adopción do seguinte

**ACORDO:**

**PRIMEIRO.-** Aprobar o expediente de contratación para contratar **por procedemento aberto o contrato mixto de servizos e subministros da iluminación decorativa de Vigo nas Campaña do Nadal 2023-2024, 2024-2025, 2025-2026 e 2026-2027.**

**SEGUNDO.-** Aprobar o prego de prescricións técnicas particulares de data 07/07/2023 e o prego de cláusulas administrativas particulares que rexerá a contratación, redactado pola Xefa do Servizo de Contratación de data 16/05/2023.

**TERCEIRO.-** Autorizar o gasto de **9.487.585,80**, que inclúe un IVE de **1.646.605,80 €**, durante catro anos desde o 1 xullo de 2023 o cal se imputará a partida 4310.2279900 "Instalación e mantemento da Iluminación do Nadal" co seguinte desglose:

ANUALIDADE	CUSTE NETO	IVE	IMPORTE (IVE engadido)
2023	1.424.796 €	299.207,16 €	1.724.003,16 €
2024	1.917.795 €	402.736,95 €	2.320.531,95 €
2025	2.016.795 €	423.526,95 €	2.440.321,95 €
2026	2.066.595 €	433.984,95 €	2.500.579,95 €
2027	414.999 €	87.149,79 €	502.148,79 €
<b>TOTAL</b>	<b>7.840.980</b>	<b>1.646.605,80</b>	<b>9,487,585.80 €</b>

**CUARTO.-** Abrir o procedemento de licitación na forma legalmente prevista .



Copia do documento - Concello de Vigo	Data impresión: 04/08/2023 09:48	Páxina 3 de 4
9274-106	CSV: AEA422-D8A7D5-2229C5-AF2686-TAJ5C3-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/if.

V. e Pr.

O ALCALDE,  
Abel Caballero Álvarez.



Copia do documento - Concello de Vigo	Data impresión: 04/08/2023 09:48	Páxina 4 de 4
9274-106	CSV: AEA422-D8A7D5-2229C5-AF2686-TAJ5C3-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		